

四庫全書

子部

欽定四庫全書

子部

醫說

目錄
卷一

詳校官太醫院八品吏目黃發

編修臣倉聖脈覆勘

總校官進士臣朱鈐

校對官學正臣翁樹棠

謄錄監生臣錢萬卷

醫說序

醫之伐病猶將之伐敵也夫決機戰攻之地以取勝用
兵者固皆有是心及一旦為背水陣則觀者愕然矣非
有淮陰為之辨析則孰知其出於兵法是兵之不可以
無其說也兵不可以無說醫其可以無說乎里中張杲
季明自其伯祖子充以醫顯京洛間受知於范忠宣其
祖子發蓋學於伯祖而有得者也於是其父彥仁繼子
發而術更妙於充深微所衍固三世之醫也季明則欲

博觀遠覽弘暢其道凡書之有及於醫者必記之名之
曰醫說始見則曰已得幾事矣再見則曰近又得幾事
矣其意欲滿千事則以傳諸人予念醫家之書本之以
素問靈樞廣之以難經脉訣而藥之君臣佐使咸萃於
本草世固不外是而為醫也今有出一奇以起人之死
則衆必相與驚異以為昔人所未到自明觀之其不有
似於背水陣乎故予知是書之為有益也已酉歲冬季
明攜以過我且曰書雖未成請姑先祥之以勉杲之意

所勿及會予有鄢郢之役殊倥傯然念季明請甚篤又
顯顯於其業蒐選宜必精故不暇之盡譔而徒嘆其當
盛年著書遽肯出與人共之其存心有足大者豈非逮
事其祖多異聞故不以得之紙上者為已私分也歟此
予所以益重季明也遂書以冠醫說之首己酉歲十月
六日朝奉大夫權發遣郢州羅頊序

欽定四庫全書

子部五

醫說目錄

醫家類

卷一

三皇歷代名醫

太昊伏羲氏

炎帝神農氏

黃帝

巫彭

巫咸

岐伯

俞跗

桐君

雷公

伯高少俞

馬師皇

秦長桑君

醫緩

醫和

文勢

醫跗

鳳綱

矯氏 俞氏 盧氏

扁鵲

子豹

李醯

崔文子

安期先生

樓護

公遜光

陽慶

太倉公

秦信

王遂

宋邑

馮信

高期

王禹

唐安

杜信

玄俗

張機

郭玉

程高

涪翁

沈建

張伯祖

杜度

衛沈

華佗

李當之

吳普

樊阿

封君達

韓康

董奉

負局先生

李譔

李子豫

張苗

王叔和

趙泉

葛洪

皇甫謐

裴顗

劉德

史脫

宮泰

靳邵

阮侶

張華

蔡謨

程據

支法存

仰道士

范汪

殷仲堪

王顯

徐謨

徐雄

王纂

徐熙

道度

叔嚮

薛伯宗

徐仲融

胡洽

徐文伯

徐嗣伯

僧深

劉涓子

羊昕

秦承祖

張子信

顧歡

李元忠

李密

崔季舒

祖挺

褚澄

鄧宣文

徐之才

張遠遊

陶弘景

徐之範

徐敏齊

甄權

甄立言

宋俠

許肩宗

孫思邈

張文仲

孟銑

王方慶

秦鳴鶴

許智藏

巢元方

元珠先生

王冰自號啟玄子

卷二

醫書

醫書

黃帝與岐伯問難

素問惟八卷

醫之起

方書所出

難經

陸宣公哀方書

本草

百藥自神農始

藥有君臣佐使

用藥增減

藥有宣通補洩

本草黑白字

藥有陰陽配合

誤註本草

藥名之異

鍼灸

鍼灸之始

明堂

妙鍼獺走

鍼芻愈鬼

鍼愈風手

許希善鍼

鍼法

鍼愈風眩

鍼鼻生贅

筆鍼破癰

鍼瘤巨虱

善鍼

捫腹鍼兒

鍼急喉閉

砭石

刺誤中肝

九鍼

工鍼

鍼舌底治舌出不收

艾謂之一壯

灸背瘡

蒜灸癰疽

灸瘰癧疾

灸欬逆法

灸鼻衄

灸牙疼法

腳氣灸風市

灸腳轉筋

三里頻灸

灸頭臂腳不宜多

灸痔疾

灸蛇毒

灸難產

灸臍風

不宜灸

因灸滿面黑氣

神醫

太醫集業

趙簡子

神醫

尸蹩

死胎

郝翁精於醫

褚澄善醫

唐與正治疾

以醫知名

耳聞風雨聲

非孕

徙癰

劉從周妙醫

拔麥中蠱

華佗醫疾

破腹取病

扁鵲見齊桓侯

文摯

董奉

華佗

臟氣已絕

病有六不治

隨俗為醫

扁鵲兄弟三人

豎傷脾

病狂

肝氣暫舒

卷三

神方

夢獲神方

夢藥愈眼疾

觀音治痢

人參胡桃湯

懸癰

神授乳香飲

夢張王藥愈癰

救疫神方

治吐血

呂真人治目疾

驚風妙藥

治內障羊肝丸

神精丹

寒嗽

丁公藤愈風

獐豸丸

一服飲

診法

診法

動脈

脈形氣逆順

四時之脈

肥瘦虛實

形氣相得相反

善別脈

龐安常脈法

太素之妙

魚遊蝦戲

傷寒

百病之本

察病先識其源

病之所由

六經傷寒用藥格法

傷寒有五

陽證傷寒

竹葉石膏湯

聖散子之功

柴胡呔咀

寒厥

風濕不可汗下

取汗不可先期

傷寒舌出

四時癘疾

辨沙病

暑氣所中

傷寒後睡不著

傷寒差後之戒

用藥不同

諸風

風者百病之始 中風用藥

中風 辨諸風證

諸風 風痲

風瘰 風瘰

風眩 風痺

偏枯 小中不須深治

邪風 風厥

睡防風吹 白癩病

長松治大風

療風癩絕不同

食山甲動舊風疾

菹草治風

蚺蛇治風

蛇墜酒罌治風

桑枝愈臂痛

透冰丹愈耳癢

臂細無力不任重

風眩

風痺

風蹶

痺

苦香風

癰瘻

迴風

又

手足沈重狀若風者

上氣常須服藥 熱蹶

眉髮自落

卷四

勞瘵

五勞

六極

七傷

虛勞

冷勞

勞瘥

傳勞

遇道人治傳勞方

勞傷瘵疾

勞復

鬼瘥

瘵疾

尸瘥

虛勞用藥

鰻治勞疾

虛勞服藥

骨蒸內熱

氣血虛發厥熱

人肉治羸疾

治羸瘠

治勞瘵吐血

天靈蓋

鼻衄吐血

鼻衄

又

嘔血咯血

山梔子茅花愈衄血

頭風

偏頭疼

頭眩

蹶頭熱

婦人偏頭痛

沐頭洗浴

婦人月水來不可沐頭

川芎不可久服

眼疾

目疾

眼疾不可沐浴

讀書損目

眼痛不食

眼赤腫

眼疾有虛實

赤目戒食

一目失明

治眼

觀音洗眼偈

治內瘴

治爛緣眼

治內障眼

治眼二百味花萸膏

班瘡入眼

眼中常見鏡子

目疾忌浴

偷鍼眼

目視一物為二

洗眼湯

口齒喉舌耳

治喉閉

又

咽喉腫痛

巧匠取喉鈎

舌腫滿口

舌無故血出

牙疼

牙齒日長

舌脹出口

治齒痛

齩齒

飲酒漱口

漱口食冷

棗能黃齒

齒藥

齒間肉壅出

飲酒喉舌生瘡

苦參不可潔齒

齒縫血出

虎鬚治齒痛

積年耳聾

骨哽

治哽以類推

礪砂治哽

吮水治哽

漁人治哽

治哽

故漁網治哽

倉卒有智

喘嗽

喘有三證

咳嗽

又

治痰嗽

治齁喘

喘病

肺氣

肺熱久嗽

喘有冷熱

水喘

翻胃

治翻胃

驢尿治翻胃

乾嘔不止

霍亂

卷五

心疾健忘

抑精順理

心疾

驚氣入心

神志恍惚

神氣不寧

健忘詩

忽不識字

治人心昏塞多忘喜誤

治惡夢

麝枕

癲病

又

又

狂

魔不寤

夢

卧而不寐

小便如泔

夜魘

暮卧呪

桑葉止汗

太驚發狂

犯天麥毒

夢遺

心脈溢關

瘡

人卧血歸於汗

血脈

笑歌狂疾

膈噎諸氣

氣膈

五膈

五噎諸氣

五噎

靛治噎疾

糠治卒噎

病噎吐蛇

食飴主噎

百病生於氣

天地氣所生

氣虛氣逆

有餘不足

重虛

寒熱厥

氣候

六氣

胃氣五臟之本

四時五行五臟五氣

旦暮氣

四時之氣更傷五臟

五臟所藏

五臟所傷

五臟之脈

五入

五惡

五液

五主

五禁

汗出

體有可已之疾

消渴

渴服八味丸

又

又

仲景止渴

浮石止渴

苦酒止渴

熱中消中富貴人

心腹痛

淋附

心痛

腹痛有數種

大瀉腹痛

暑月破痛

小腹切痛

真心痛

脾痛

水煎理中丸

心痛食地黃麴 膀胱氣痛

砂石淋 頭垢治淋

諸瘡

瘡名不同 又

又 驢軸治瘡

疔疾 又

瘡疾 病有不可補者

癰疽

癰瘡

遺積瘡

蟻瘡

蛇瘡

米瘡

髮瘡

斛二瘡

食髮致疾

瘡

鼈瘡

鼈瘡

疥癬

京三棱治瘡瘡

諸蟲

應聲蟲

又

蛭蟲

五臟之蟲

九蟲之狀

諸蟲入耳

誤吞水蛭

又

又

苦寸白蟲

又

又

誤吞蜈蚣

蛭蚰及百蟲入耳

尸蟲

酒蟲

卷六

臟腑泄痢

當暑勿食生冷

辨臟腑下痢

治赤白痢

久患泄瀉

痢有赤白

罌粟治痢

車前止暴下

薑茶治痢

二藥治痢

治臟腑

半夏益脾止瀉

乳煎葦撥治氣痢

臟腑秘澁

腸胃流熱

腸風痔疾

痔腸風臟毒

腸風下血

酒利

臟毒下血

脫血

癰疽

服石癰疽

病疽

治背瘡

治喉癰

治癰疽

治癰疽方

療癰毒

發背無補法

結癰

預療背疽

雲母膏愈腸癰

釘疽

癰瘡

腳氣

腳氣痞絕

腳氣無補法

腳心如中箭

腳氣

治閉結并腳氣

附船愈腳氣病

腳蹙

旋復根汁能續筋

漏

時康祖心漏

鱖魚覆漏

鱖漏

蟻漏

犬齧瘤得鍼

灸鼠漏

李先風瘤

腫癭

病腫

腫

陰腫如升

小兒陰腫

小兒熱毒遊腫

婦人陰腫堅硬

腳腫

背腫

傳腫

癰

并錫鎮癰

中毒

中仙茅附子毒

中葶毒

中鱖鼈蝦蟇毒

中豆腐毒

諸果有毒

中班鳩毒

中蜈蚣毒

藥反中毒

中魚毒

中蒿菜毒

魚鮓遇蠱毒

中酒毒

天蛇毒

中挑生毒

誤飲蛇交水

中蜘蛛毒

中山鷄鷓鴣毒

中石斑魚子毒

金匱要略卷之八
目錄
地漿治菌毒

解毒

解蠱毒咒并方

解砒毒

治蠱毒

解藥毒

解毒

蟹解漆毒

獸能解藥毒

蛛為蜂螫

保靈丹

卷七

積

傷滯用藥不同

物能去積

食藥

治積用藥

顛撲損傷

墮馬

治臂白脫

龜獻奇方治傷折

打撲傷損

又

又

又

熟葱涕愈傷指 打撲損

墜馬折足 蹴鞦韆墜損

搓袞舒筋

奇疾

簷溜盥手龍伏藏指甲中

婦人異疾 嘔物如舌

消食籠 孕婦腹內鍾鳴

脾瘡兒出 人面瘡

啖物不知飽

腸癢疾

王氏異疾

療饑蟲

小兒魛病

足面奇瘡

產後腸癢

甌氣薰面腫

蛟龍病

疑病

產婦腹中癢

食鱸吐蝦蟆

瘡破雀飛

蛇在腹中

怪石鏡

冷疾

人漸縮小

視直如曲

寒熱注病

剝腹視脾

大怒病差

蒸之得汗

視胎已死

死枕愈病

病悲思

穀獨氣

兒生腎縮

飲水得疾

誤吞金鑽

飛絲入眼

蛇蟲獸咬犬傷

白芷治蛇齧

被毒蛇傷

辟蛇毒

蛇蟲所傷

山林日用法

治蚯蚓咬

蜘蛛齧

猫傷

馬咬

蜈蚣咬

惡蛇螫

壁鏡咬

又

蠶咬

治諸獸傷

獠犬所傷

犬傷

又

虎犬咬

蠱螫

蝎螫

蠼螋妖蟲

湯火金瘡

大黃療湯火瘡

醋泥塗火燒瘡

湯火瘡

湯火瘡禁用冷

治湯火呪

歛金瘡口

治金瘡

又

火氣入腳生瘡 漆澆成瘡

田舍試驗之法 治箭鏃不出

食忌

鼠盜食忌 淡食

飲食不可露天 雜忌

勿過食 食鼈不可食菹

食蟹反惡 銅器不可蓋食

炊湯不宜洗面體

食驢鬣漏肉之戒

食勿多飽勿卧 發暴

飲食忌 醉飲過度

黃帝禱忌法 飲食禁

食蜜不可食鮓 食河豚不可食風藥

飲食宜緩 陰地流泉不可飲

食禁 禽獸蟲魚肉異不可食

勿食生鮮 四時不食

飽勿便睡

生物食之無益

食無求飽

飲食以時

食飲以宜

粥能暢胃生津液

五味致疾

飲酒面青赤

魚無腮不可食

卷八

服餌并藥忌

桃膠愈百病

服朮

藥欲用陳

食木不飢

服木忌蛤

服黃連

服松栢

服黃精

不食蒜

真菊野菊

論物理

服菖蒲

服餌忌羊血

三藥

朴消下死胎

常服熱藥

梹耳補益

補骨脂丸

用藥偏見

遍體盡疼

功在橘皮

人氣粉犀

老人疾患

物性皆有離合

藥議

服藥忌食

施藥

風土不同

蒼朮辟邪

陰氣所侵

流水止水

服雄黃

古方無妄用

草藥不可妄用

服藥次序

服餌

五味各有所歸 治胡臭

又 枳殼散之戒

疾證

妄庸議病 病生於和氣不須深治

辯證 病名不同

外感內生諸病 取像

反治法 五臟六腑其說有謬

六淫之疾 治病有八要

病不可治者有六失

婦人以帛蒙手臂

勇怒

鬱冒

尸厥

外患當以意治

論醫

醫

醫特意耳

論黃連書

藥用君臣

鬚髮眉所屬

活人書

六氣六候

卷九

養生修養調攝

養生

又

又

神氣

內外丹

六氣

養神

存想

養性

吐納

和氣

夜卧

存心中氣

服玉泉

般運捷法

真常子養生

養性之術

藏精養神

養生偈

孫真人養生銘

孫真人養生雜訣

無輕攝養

孫真人十二多

抱朴子十五傷攝養

衛生五事

善攝生

保養

調攝

真人養生銘

炎能養生

摩面

腎神

心腎肝膽

四損

精氣形

體欲動搖

金石藥之戒

服丹之戒

五石散不可服

服丹之過

服金石藥之戒

金液丹無妄服

川人服丹

秋石不可久服

丹砂之戒

服水銀

服丹多灸風市穴

雷世賢丹藥

服丹自焚

丹發背疽

丹緩其死

婦人

婦人

婦人論

養胎大論

避忌法

轉女為男法

又

視井生男

天癸

十月而生

妊孕避忌

郝翁醫婦人驗

妊婦不語

半產正產

產難

催生歌

產難厭勝

產後寒氣入腹

產婦頭疼寒熱

渴飲五味汁

產難胞衣不出

懷子而不乳

孕婦逆生

產後癰瘕

運悶

婦人月水不通及不斷

漏下帶下崩中 四物湯之功

療師尼寡婦別製方

任氏面疾

姪子

又

卷十

小兒

小方

善醫小兒

瘡豆禁鷄鴨子

小兒夜啼

小兒不可食鷄

治兒語遲

兒得母寒下痢

小兒感冷身熱

小兒糞青

小兒瀉後腳弱

小兒得地氣方行

小兒初生畏寒 小兒初生四氣

小兒初生服藥 小兒初生通大小便

小兒夜啼有四證

小兒傷乳食發熱

小兒發熱治法 小兒發熱

急慢驚風 小兒吐瀉用藥

小兒瀉痢 小兒解顱

瘡疹有表裏證 瘡疹黏衣用牛糞

剥瘡痂免成癰 瘡疹不可洗面

瘡疹用胭脂塗眼

瘡疹後飲清涼飲子

小兒丹毒 小兒吐瀉後成慢驚

小兒初生不飲乳

兒臍血出 兒臍久不乾

薏苡浴兒 臍風撮口

瘡

瘡生於頰

木癡成瘡

耳塞敷瘡

壁土治瘡爛

治瘡久不合

治下疳瘡

遍身患瘡

膜瘡

豐瘍

獺髓補瘡

石菖蒲愈瘡

風熱細癬

風毒濕瘡

患瘡

魚臍瘡

頭瘡禁用水銀

治惡瘡

治善惡瘡

搔髮際成竅出血

病肥脈

傳瘡

病癰

腳瘡

黃連愈癰

五絕病

五絕

治卒死

凍死

溺死

自縊

夏月熱倒人法

疝瘰癧

湧疝

氣疝

牡疝

肺消瘰

腎瘰

胃瘰

熱病氣

脾氣

脾瘰

胃疽

醫功報應

許學士

聶醫善士

用詭道以劫流俗

徐樓臺

符助教

水陽陸醫

醫僧瞽報

下胎果報

段承務

鮑君大王

醫不貪色

醫以救人為心

臣等謹案醫說十卷宋張杲撰杲字李明新

安人其伯祖張擴嘗受業於龐安時以醫名
京洛間羅願鄂州小集有擴傳叙其治驗甚
詳此書前有淳熙己酉羅頊序亦稱擴授其
弟子發子發授其子彥仁杲為彥仁之子承
其家學亦喜談醫嘗欲集古來醫案勒為一
書初期滿一千事猝不易足因先採掇諸書
據其見聞所及以成是編凡分四十七門前
七門總叙古來名醫醫書及針靈診視之類

次分雜症二十八門次襍論六門次婦人小
兒二門次瘡及五絕痺疔三門而以醫功報
應終焉其間雜採說部頗涉神怪又既載天
靈蓋不可用乃復收陳藏器本草人肉一條
亦為駁雜然取材既富奇疾險症頗足以資
觸發又古之專門禁方往往在焉蓋三世之
醫淵源有自固與道聽塗說者殊矣乾隆四
十六年九月恭校上

總纂官臣紀昀陸錫熊臣孫士毅

總校官臣陸費墀

欽定四庫全書

醫說卷一

宋 張景 撰

三皇歷代名醫

太昊宓犧氏

宓犧氏以木德王風姓也一曰庖犧氏亦曰太昊蛇首
人身生有聖德母號華胥都於陳作瑟有三十六絃其
理天下也仰則觀象於天俯則觀法於地鳥獸之文與

地之宜近取諸身遠取諸物於是造書契以代結繩之
政畫八卦以通神明之德以類萬物之情所以六氣六
腑五臟五行陰陽水火升降得以有象百病之理得以
類推炎黃因斯乃嘗百藥而制九鍼以拯天枉矣

出帝王
世紀

炎帝神農氏

炎帝神農氏長於姜水因而姓姜人身牛首生有聖德
始教天下耕種五穀而食之以省殺生之弊嘗味草木
宣藥療疾以救天傷之命百姓日用而不知著本草四

卷至梁陶弘景以名醫別錄加之為七卷逮於我唐統
極英國公李勣許孝崇許敬宗等奉詔更復採摭去陶
氏之乖違辨俗用之紕紊新修為二十卷於今行焉

出帝

王世紀及
本草論序

黃帝

黃帝有熊氏少典之子姬姓也長於姬水龍顏有聖德
生而能言後使百靈可謂天授自然之體也猶不能坐
而得道故以地黃元年正月甲子將遊名山以求神仙

時方明力牧從焉東到青丘見紫府先生受三皇天文
以效萬神至具茨而見大隗君而受神芝圖至蓋上見
中皇真人受九茹散方至羅霍見黃蓋童子受金銀方
十九首適崆峒而問廣成子受以自然經造峨眉山並
會地黃君受以真一經入金谷問導養而質玄素二女
著體診則問對雷公岐伯伯高少俞之論備論經脈傍
通問難以為經教制九鍼著內外術經十八卷陟王屋
山玉闕之下清齋三日乃登於玉闕之上入瓊琳臺於

金杓之上得玄女九鼎神丹飛香爐火之道乃於茅山
採禹餘糧烹之得銅遂還荆山之下鼎湖之上參爐定
藥虎豹萬羣為之視火九鼎神丹成有黃龍下迎黃帝
上昇羣臣後宮從上者七十餘人其小臣不得上乃悉
持龍髯拔墮帝弓萬姓仰望帝既上昇乃抱其弓與髯
而號故後世因名其處為鼎湖其弓名烏號

出帝王世紀
太清皇

帝九鼎
丹經

巫彭

巫彭初作醫周官曰五穀五藥養其病五氣五聲五色
視其生觀之以九竅之變參之以五臟之動遂有五毒
攻之以五藥療之以五氣養之以五味節之以祛百病
出史記
及周書

巫咸

巫咸堯臣也以鴻術為帝堯醫又出世本曰巫咸初作

筮

出郭璞巫咸
山序及世本

岐伯

岐伯黃帝臣也帝使岐伯嘗味草木典主醫疾經方本草素問之書咸出焉

出帝王世紀

俞跗

俞跗者黃帝臣也善醫術所治病不以湯液醪醴鑱石
撝引案杭毒熨一撥見病之應因五臟之輸乃割皮解
肌訣脈結筋搦髓腦揲荒爪幕湔浣腸胃漱滌五臟鍊
精易形以去百病焉

史記

桐君

桐君者黃帝時臣也撰藥封四卷及採藥錄說其花葉形色論其君臣佐使相須至今傳焉

出本草
經序論

雷公

雷公者黃帝時臣也善醫術黃帝燕坐召雷公而問之汝受術誦書者若能覽觀雜學別異比類通合道理務明之可以十全若不能知為世所怨又曰子知醫之道乎誦而頗能解解而未能別別而未能明明而未能彰足以治羣僚不足以治侯王雷公避席再拜曰臣年幼

小矇愚以惑不聞臣受業傳之以教請誦脈經上下篇衆多矣至於別異比類由未能以十全又安足以明之

云素問

伯高 少俞

伯高少俞並黃帝時臣未詳其姓輔佐黃帝詳論脈經對揚問難經究盡義理以為經論故人到於今賴之

素問

馬師皇

馬師皇者黃帝時獸醫也善知馬形氣生死之診治之

輒愈後有龍下向之垂耳張口師皇曰此龍有病我能已之也乃鍼其唇及口中以甘草湯飲之而愈又數數有龍出其陂造而治之一旦龍負之而去不知所之也

列仙傳

秦長桑君

長桑君者六國時人不知何許人也時人莫有識者扁鵲少時為人舍長舍客長桑君過扁鵲心自奇異之常謹以禮遇長桑君亦知扁鵲非常人也乃悉取其禁方

書盡與扁鵲

出史記

醫緩

醫緩者春秋時秦人也未詳其姓晉景公病求醫於秦伯伯使醫緩治之未至公夢二豎子相謂曰彼良醫也懼傷我焉將逃之其一曰我居肅之上汝居膏之下若我何緩至謂公曰疾不可為也在肅之上膏之下攻之不可達之不及

達謂鍼也

藥不至焉不可為也公曰良醫也

厚禮而歸之

出左傳

醫和

醫和者春秋時秦國人未詳其姓晉侯有病求醫於秦伯伯使醫和視之曰疾不可為也是謂近女室疾蠱非鬼非食惑以喪志

喪志為惑女色

良臣將死天命不祐趙孟曰

良醫也厚其禮而歸之

並春秋左氏傳

文摯

文摯者春秋時宋國良醫也洞明醫道亦兼異術龍叔子謂之曰子之術微矣吾有疾子能已之乎文摯則命

龍叔背明而立文摯從後向明而熟視之曰嘻吾見子之心矣方寸之地虛矣幾聖人也子心六孔流通一孔不達今聖智為疾惑由此乎治之遂愈

醫鉤

醫鉤者秦之良醫也莫知其姓張子背腫命鉤治之張子謂之曰非吾背也任子治焉治之遂愈夫身之與國而猶此也必有所委然後治之

出尹子

鳳網

鳳綱者漢陽人也常採百草花水漬之瓮盛封泥自正月始迄九月末又取瓮埋之百日煎丸之卒死者以此藥內口中水下之皆生服綱藥者非但疾瘥數百歲不死沒入地肺山仙去也

出神仙傳

矯氏 俞氏 盧氏

矯氏俞氏盧氏並周之良醫也

出列子及初學記

扁鵲

扁鵲者渤海鄭人也

徐廣曰鄭當為鄭縣名今屬河間

姓秦名越人至

今天下言脈者由扁鵲也

出史記

子豹

子豹者秦越人弟子號太子死扁鵲乃使弟子子陽厲
鍼砥石以取三陽五會有間太子蘇扁鵲乃使子豹為
五分之熨以八減之齊和煮之以熨兩脅下太子遂能

起坐焉

出史記

李謐

李謐為秦太醫令自知伎不如扁鵲遂密使人刺殺之

出史記

崔文子

崔文子者秦時太山人也志好黃老事居潛山下後作黃散赤丸藥賣之都市自言年三百餘歲後有疫氣人死者萬萬計長史請文子救之文子擁朱幡繫黃散以巡人間飲散服丸即愈所活者以萬計其後去之蜀賣藥故世人云崔文子赤丸黃散近於神也

出列仙傳

安期先生

安期先生者瑯琊鄉人也賣藥海邊時人謂之千歲公
李少君太山採藥病困殆死遇安期安期與之神樓散
服一錢匕遂愈秦始皇聞之召見與語三日三夜賜金
璧數千萬出於阜鄉亭皆置之而去

出列仙傳

樓護

漢樓護字君卿齊人也父為醫護少誦經方本草秘方
十萬言長老咸敬重之共謂之曰以吾子之才何不宦
學乎由是辭其父學經為京兆令甚有名譽

漢書

公孫光

公孫光齊淄川唐里人也好醫術為當時所重初淳于
意就光家求學光悉以教之曰所授妙方予無以教人
意曰得禁方實幸甚死不敢妄傳光曰爾後必為國工
吾方盡矣臨淄陽慶其方甚奇異吾不如之可謹事之
必得其方意遂辭光而事慶焉

出史記

陽慶

陽慶山東齊人也傳黃帝扁鵲之脈書診病知人死生

太倉公

太倉公者齊太倉長臨淄人也姓淳于氏名意少而喜醫方術高后八年得見師臨淄元理公乘陽慶慶有古先道遺傳黃帝扁鵲之書五色診病知人生死決嫌疑定可治及藥論書甚精悉受其禁方

秦信

秦信者不知何許人也少明敏有度量好經方本草及黃帝扁鵲之脈書為當代良醫

王遂

王遂不知何郡人少習經方工於理療以藝業精博為齊王侍醫

宋邑

宋邑者臨淄人也率性愛人志尚醫術就齊太倉公長淳于意學五診脈論之術為當世良醫

並史記

馮信

馮信齊臨淄人也為齊太倉長性好醫方精於診處而

臨淄王猶以其識見未深更令就淳于意學方意教以按法逆順論藥法定五味及和劑湯法信受之擅名於

漢

云史記

高期

高期不知何許人也入仕為濟北王太醫王以期術藝未精遣就倉公淳于意學經脈高下及奇絡結當論俞所居及氣當上下出入邪正逆順以宜定鑱石刺灸之法宸餘亦頗通之乃以此知名

王禹

王禹不知何郡人以藝術為濟北王太醫以識見未精就倉公意學數歲悉通之以此知名漢代

唐安

唐安齊臨淄人也言貌謙恭風儀溫雅性好醫術就倉公學意教以五診上下經脈奇咳四時應陰陽之法乃為齊醫

杜信

杜信不知何郡人也性度溫恭謙柔好學知自身之病
乃悉心學醫自欲扶危持顛兼以安人濟衆遂詣倉公
求學情理甚懇意憐之教以上下經脈五診之法二歲
餘亦以知名漢代

並史記

玄俗

玄俗者莫知其姓字也自言河間人恒食巴豆雲母賣
藥於都市為人治病河間王買藥服之下蛇十餘頭王
問其病源俗云王病乃六世餘殃非王所知也緣王常

放乳鹿仁感天心故遭俗耳王欲以女妻之俗夜亡去
不知所之後有人見於常山之下焉

列仙傳

張機

後漢張機字仲景南陽人也受術於同郡張伯祖善於
治療尤精經方舉以孝廉官至長沙太守後在京師為
名醫於當時為上手時人以為扁鵲倉公無以加之也

出何顯別傳及甲
乙經仲景方論序

郭玉

郭玉太醫丞廣漢人也和帝試玉之診使嬖臣美手者
與宮人雜處帷中令玉診之玉曰左陽右陰非一女之
脈也帝甚竒之

後漢書

程高

程高廣漢人也性好經方問道無倦有一藝長於己者
必千里伏膺聞涪翁善醫術及鍼經診脈尋求積年竟
乃得之擅名當代為太醫丞

後漢書

涪翁

涪翁者不知姓名釣於涪水因號涪翁精於醫術所治病不限貴賤皆摩踵救之而不求其報甚為當代所重

後漢書

沈建

沈建丹陽人也父為長吏而建獨好道不肯仕宦學導引服食之術延年却老之法又能治病病無輕重建治輒愈建斷穀不食輕舉飛行或去或來如此三百餘年乃絕跡不知所之

出神仙傳

張伯祖

張伯祖南陽人也志性沉簡篤好方術診處精審療皆十

全為當時所重同郡張仲景異而師之因有大譽

出張仲景方序論

杜度

杜度不知何許人也仲景弟子識見宏敏器宇冲深淡

於驕矜尚於救濟事仲景多獲禁方遂為名醫

出仲景方

衛沈

衛沈不知何郡人也仲景弟子知書疏有小才撰四逆三部厥

經及婦人胎臟經小兒顱顙經方三卷皆其所制知名當代

出仲景方

華佗

華佗字元化沛國譙人也洞曉醫方兼善養性之術年

百餘歲而貌有壯容時人謂之仙

魏志列傳

李當之

李當之者不知何許人也華佗弟子少通醫經尤精藥術

出梁七錄

吳普

吳普廣陵人也為華佗弟子以藝術知名性恬淡善醫

方年九十餘而耳目聰明牙齒完堅知名當代

梁七錄

樊阿

樊阿彭城人受術於華佗遂為名醫

出張湛養生論華佗別論

封君達

青牛道士封君達隴西人也服黃連五十餘年又入鳥

鼠山服汞百餘歲後還鄉里視之如年三十者常騎青

牛聞有疾病殆死者無論識與不識以藥治之應手而

愈後入玄丘山仙去

出神仙傳及博物志

韓康

韓康字伯休京兆霸陵人常採藥於名山賣於長安市口不二價三十餘年時有女子從康買藥守價不移女子曰公是韓伯休即乃不二價康嘆曰我本避名女子皆知有我何用藥為遁入霸陵山中莫知所之

出高士傳

董奉

董奉字君異侯官人也為人治病病愈令種杏五株輕者一株數年之間杏有十萬杏熟以穀一器易一器杏

以所得穀賑濟貧乏奉在人間近二百年顏貌若三十
許一旦舉手指天竦身入雲

出葛洪
神仙傳

負局先生

負局先生吳人也莫知其姓名負石磨鏡人有疾苦即
出紫丸赤丸與服無不差後大疫家至戶到與藥活數
萬餘人不取錢去時語人曰吾欲還蓬萊山為汝曹下
神水崖頭一旦有水色白從石間流下服多愈疾

出列
仙傳

李譔

李譔字欽仲梓童涪人也通五經諸子無不該覽博好醫方為庶子遷僕射中散大夫後在官卒

蜀志

李子豫

李子豫晉時不知何郡人也少善醫方當代稱其通靈許永為豫州刺史其弟患心腹堅痛十餘年殆死忽自夜聞屏風後有鬼謂腹中鬼曰何不促殺之不然李子豫當從此過以赤丸打殺汝汝其死矣腹中鬼對曰吾不畏之於是許永使人候子豫子豫果來未入門病者自聞腹中呻吟

聲及子豫入視曰鬼病也遂於其箱出八毒赤丸與服須臾腹中雷鳴膨轉大利數行遂差今八毒丸方是也

出續搜神記

張苗

張苗不知何郡人雅好醫術善消息診處為時所重

出晉書

王叔和

王叔和高平人也博好經方尤精診處洞識攝養之道深曉療病之源採摭羣論撰成脈經十卷篇次張仲景

方論為三十六卷大行於世

出張湛養生方

趙泉

趙泉不知何許人性好醫方拯救無倦善療衆疾於瘡

尤工為時嘆服

出晉書

葛洪

葛洪字稚川丹陽句容人也廣覽衆書及諸史百家之言下至短雜文章近得萬卷自號抱朴子善養性之術明拯救之法撰經效諸藥方三卷名曰肘後

出晉中興書

皇甫謐

皇甫謐字士安幼名靜安定朝郡人也沈靜寡欲始有
高尚之志以著述為務自得風痺疾因而學醫習覽經
方手不輟卷遂盡其妙

裴顗

裴顗字逸之河東人也多學術善醫經診處通明方藥
精富於時名醫碩學咸皆嘆伏官至尚書左僕射

並晉書

劉德

劉德彭城人也少以醫方自達長以才術知名當朝縉紳

伏膺附響工治衆疾於虛勞不足尤見精通療之隨手而愈由是承流向風千里而來者多矣官至太醫校尉

史脫

史脫不知何郡人器性沈毅志行敦簡善診候明消息多辯論以醫精專拯療工奇拜太醫校尉治黃疸最為高手

宮泰

宮泰不知何郡人幼而岐嶷長而聰敏靜好墳典雅尚方術有一藝長於已者必千里尋之善診諸疾療上氣

尤異制三物散方治喘嗽上氣甚有異效世所貴焉

靳邵

靳邵不知何許人也性明敏有才術本草經方誦覽無不通究裁方治療意出衆見創置五石散礬石散方晉朝士大夫無不服餌獲異效焉

阮俛

阮俛字德如陳留尉氏人也幼而聰惠長而好學性沉靜有大度以秀才為即游心方技無不通會於本草經

方療治之法尤所耽尚官至河內太守

以上出
晉書

張華

張華字茂先范陽方城人也學業優博辭藻溫麗精

於經方本草診論工奇理療多效

出晉書及
徐廣晉紀

蔡謨

蔡謨字道明不知何許人也素以儒道自達治涖知名
性有道風耽尚醫術嘗覽本草經方手不釋卷及授揚
州刺史將之任渡江食蟹誤中彭蜺毒殆死嘆曰讀爾

雅不熟為勤學所誤焉

出晉紀

程據

程據不知何許人志性沈毅雅有度量少以醫術知名

為太醫令

晉中興記

支法存

支法存者嶺表僧人也幼慕空門心希至道而性敦方

藥尋覓無厭當代知其盛名自永嘉南渡晉朝士夫不

習水土所患皆腳弱惟法存能拯濟之

出千金方序

仰道士

仰道士嶺表僧人也少以聰惠入道長以醫術關懷因
晉朝南移衣纓士類不習水土皆患軟腳之疾染者無
不斃踣而此僧獨能療之天下知名焉

千金方
序論

范汪

范汪字玄平不知何郡人少孤年六歲過江依外家新
野庾氏賓於園中布衣蔬食燃薪寫書畢讀誦亦遍遂
博通百家之言性仁愛善醫術嘗以拯恤為事凡有疾

病不以貴賤皆治之所活十愈八九

晉中興書

殷仲堪

殷仲堪陳郡人父病積年衣不解帶躬學醫方究其精

妙

出晉書

王顯

王顯字世隆滎陽平人也以醫術自達而明敏初文昭皇后之懷世宗夢為日所逐化為龍而遠后后寤而驚悸遂成心疾勅召諸醫及顯為后診脈徐謦言是微風

入臆宜進湯藥及加鍼灸顯診云按三部非有心疾將是懷孕生男之象果如顯言乃補御史

出後漢書

徐謩

徐謩字成伯丹陽人也與兄文伯皆善醫謩性祕忌承奉不得意雖貴如王公不為措療魏孝文遷洛除中散大夫文伯事南齊位至太山蘭陵守

出南齊史及後魏書

徐雄

徐雄謩之子也為員外散騎侍郎醫術為江左所稱至

雄子之才貴盛贈太常卿兗州刺史

齊史

王纂

王纂者海陵人少習經方尤精鍼石遠近知其盛名

出劉

穎叔
異苑

徐熙

徐熙字秋夫不知何郡人時為射陽令善醫名聞海內

道度

道度熙之長子也器宇宏深節行清敏少精醫術長有

父風位至蘭陵太守

叔嚮

叔嚮熙之次子也志性溫恭敏而好學善於政理尤工

醫術官至太山太守

並宋書

薛伯宗

薛伯宗不知何許人善以禁氣治人病

出宋書及吳均齊春秋

徐仲融

徐仲融不知何郡人為濮陽太守性好黃老隱秦望山

有道士過之求飲因留一葫蘆遺之曰君習之子孫當以道術救世位至二千石仲融開視乃扁鵲鏡經一卷因精心學之名振海內仕至濮陽太守

胡洽

胡洽道士不知河許人性尚虛靜心栖至道以拯救為事醫術知名

徐文伯

徐文伯字德秀東陽人也為太山太守素有學行篤名

醫術

徐嗣伯

徐嗣伯東陽人也文伯之弟志節慷慨超然不羣少負其才雅有異術而性行仁愛經方診訣占候靡不詳練悉心拯救不限貴賤皆磨踵救之多獲奇效特為當代

所稱

並宋書

僧深

僧深齊宋間道人也少以醫術知名療腳弱腳氣之疾

為當時所伏撰錄法存諸家舊方三十餘卷經用多效

時人號曰深師方

千金方
序論

劉涓子

劉涓子不知何許人晉末於丹陽郊外夜射忽有一物
高二丈許因射而中之走若電激聲若風雨夜不敢追
明日率門人弟子鄰巷數十人尋其踪跡至山下見一
小兒問曰何姓小兒云主人昨夜為劉涓子所射取水
以洗瘡因問小兒主人是誰荅曰是黃父鬼乃隨小兒

還未至聞搗藥聲遙見三人一人卧一人開書一人搗藥即齊聲叫突而前三人並走遺一帙癰疽方并一白藥涓子得之從宋武帝北征有被瘡者以藥塗之隨手而愈論者謂聖人作事天必助之蓋天以此授武帝也

涓子用方為治千無一失演為十卷號曰鬼遺方

出龔慶宣

鬼遺方序

羊昕

羊昕字敬元不知何許人志好文儒性敦方藥莅事詳

審診療精能以拯濟功奇累遷中散夫夫義興太守

秦承祖

秦承祖不知何郡人也性耿介有決斷當時名人咸所歸伏而專好藝術精於方藥不問貴賤皆治療之當時

稱之為上手

並宋書

張子信

張子信河內人也清靜好文學少以醫術知名太寧中

徵為尚藥典御

出齊書

顧歡

顧歡字玄平吳郡人也隱於會稽山陰白石村歡性仁愛素有道風或以襍厭而多所全護有病邪者以問歡歡曰君家有書乎曰唯有孝經可取置病人枕邊恭敬之當自差如言果愈問其故曰善襍惡正勝邪

吳均齊春秋

李元忠

李元忠驃騎大將軍兼中書令晉陽縣伯趙郡栢仁人也初以母老多患遂通集方術志性仁恕疾病療之無

間貴賤

北齊書

李密

李密殿中尚書濟川刺史容城縣侯食邑四百戶字希邕平棘人也密方直有至行母病積年不愈乃習經方遂盡其妙多所全活由是知名

崔季舒

崔季舒字叔正博陵安平人少孤明敏有識幹涉獵經史愛好文章長於尺牘有經世才精於醫術經方本草

嘗所披覽不限貴賤皆拯治之

北齊書

祖挺

祖挺字孝徵范陽涇人也博學善屬文尤長於醫術

北齊書

書

褚澄

褚澄齊尚書吳郡太守字彥通雅有才量博好經方善醫術診處工候究盡其疾病療之無貴賤皆先審其苦樂榮悴鄉壤風俗水土所宣氣血強弱然後裁方用藥

至於寡婦僧尼必有異乎妻妾之療

鄧宣文

鄧宣文不知何許人少以醫術知名志性方直除太醫

尚樂典御

並北齊書

徐之才

徐之才金紫光祿大夫開府儀同三司尚書令西陽郡王字士茂高平金鄉人幼而俊發酬應如響善醫有機辯武明皇太后不豫之才奉藥立愈肅宗召與仝坐令

皇太子拜之贈帛千段錦四百疋車馬衣服上利田園

千畝

張太素
齊書

張遠遊

張遠遊齊人也以醫藥道術知名尋有詔徵令與術士
同合九轉金丹丹成顯祖置之玉匣曰貪人間樂不能
飛上天待我臨死方可服

同上

陶弘景

梁陶弘景貞白先生字通明丹陽人母郝氏夢兩天人

手執香爐來至其所既而有孕以孝建三年夏至日生
幼而警慧博學通經有志養生性好醫方專於拯濟利
益羣品故修撰神農本草經三卷

出梁書及
藝文類聚

徐之範

徐之範儀同大將軍太常卿恒山太守嗣西陽王即北
齊之才之弟也亦以醫術知名官至太常卿襲兄爵為西
陽王齊滅入周拜儀同大將軍

後周書

徐敏齊

徐敏齊太常卿之範之子也工醫博覽多藝開皇中贈

朝散大夫

出隋書

甄權

甄權許州扶溝人常以母病與弟立言專習醫方遂究其妙

甄立言

甄立言權之弟也俱以母病專心習醫遂盡其妙武德中累遷太常丞御史大夫杜淹患風毒發腫太宗令立言

治之既而秦曰更二十一日午時死果如其言

宋俠

宋俠者不知何郡人也性明敏有學術於經方本草尤所敦尚竟以醫術知名

許肩宗

許肩宗常州義興人初仕陳為新蔡王外兵叅軍時柳太后感風不能言脈益沈而噤肩宗曰口不下藥宜以湯氣蒸之令藥入腠理周時可差遂造黃耆防風湯數

十斛置牀下氣如烟霧如其言便得語由是超拜義興

太守

並唐史

孫思邈

孫思邈雍州華原人七歲就學日誦千言善談莊老百家之說性好醫術但是經方無不該覽撰千金等方行於世

張文仲

張文仲洛州洛陽人以醫術著名文仲則天時為侍御

醫尤善療風疾則天令撰療諸方奏曰風有一百二十種氣有八十種大抵雖同人性各異唯氣頭風則隨發動臨時消息之但有風氣之人春末夏初秋暮得通洩即不至困劇

孟詵

孟詵者汝州梁人也以進士擢第垂拱初累遷鳳閣舍人少好方術以藥餌為事撰補養方必效方行於世

王方慶

王方慶太原人也雅有才度博學多文篤好經方精於藥性

秦鳴鶴

秦鳴鶴不知何許人也為高宗侍醫

並唐史

許智藏

許智藏高陽人幼嘗以母疾博覽醫方世號名醫仕陳為散騎侍郎會秦孝王俊有疾上馳召之夜夢其亡妃崔氏泣曰本來相迎聞許智藏將至其人若到當必相

苦為之奈何明夜俊又夢崔氏曰妾得計矣當入靈府
中避之智藏至為俊診脈曰疾已入心即當發癰不可
救也果如其言

出隋書

巢元方

巢元方不知何許人也大業中為太醫博士奉詔撰諸
病源候論五十卷固不該集

宋宣獻撰巢氏病源序

元珠先生

元珠先生不知何許人隱顯莫測惟太僕令王冰識其


為異人乃師事之元珠洞明素問究極微奧密授妙旨
教冰五臟六氣修煉養生之法草石性理祛邪去疾神
方由是冰乃註大經素問至一為醫家宗範

出仙傳

王冰自號啓玄子

王冰寶應中為太僕令篤好醫方得先師所藏太素及
全元起者大為次註素問合八十一篇二十四卷且序
曰將升岱岳非逕奚為欲詣扶桑無舟莫過乃精勤博
訪而并友其人歷十二年方臻理要詢謀得失深遂夙

心
出林光祿
素問序



醫說卷一